



Broj: 06-04-20-3004-3/22  
Datum: 20.06.2022. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 06-04-20-3004-3/22 od 20.06.2022. godine, u postupku javne nabavke „Nabavka kompjuterske opreme za mjesne zajednice u Projektu „Jačanje uloge mjesne zajednice u BiH“, načelnik općine Maglaj donosi

## ODLUKU

o izboru najpovoljnijeg ponuđača

### I

Prihvata se preporuka komisije za javne nabavke i ugovor za nabavku kompjuterske opreme za mjesne zajednice u Projektu „Jačanje uloge mjesne zajednice u BiH“ dodjeljuje se ponuđaču PR „**MEDIA MARKET**“ Prijedor, vl. Trbulin Dejan, u skladu sa ponudom broj 57/22, po ukupnoj konačnoj cijeni od **18.200,00 KM bez PDV-a, odnosno 21.294,00 KM sa PDV-om**.

### II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

### III

Za realizaciju ove odluke zadužuje se Služba Općinskog načelnika i Općinskog vijeća.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## O b r a z l o ž e n j e

Odlukom o pokretanju postupka, broj 06-04-20-3004/22 od 27.05.2022. godine, pokrenut je postupak javne nabavke kompjuterske opreme za mjesne zajednice u Projektu „Jačanje uloge mjesne zajednice u BiH“. Predmetna javna nabavka objavljena je na Portalu javnih nabavki, obavještenje o nabavci broj 1140-7-1-64-3-26/22 od 01.06.2022. godine. Kriterij za dodjelu ugovora je najniža cijena.

Predmetni postupak je provela komisija za javne nabavke, imenovana Odlukom broj 05-45-1-1069/22 od 19.05.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske

dokumentacije, o čemu je sačinila odgovarajuće zapisnike, u skladu sa čl. 63.stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:

Blagovremeno je zaprimljeno pet ponuda. Neblagovremenih ponuda nije bilo.

Ponuda ponuđača „Inter-com“ d.o.o. Zenica nije bila predmet pregleda i ocjene ponuda, jer je komisija utvrdila da ovaj ponuđač nije preuzeo tendersku dokumentaciju za predmetni postupak. Ovakav stav komisije ugovorni organ cijeni pravilnim i zakonitim, jer svaki ponuđač koji ima namjeru učestvovati u postupku javne nabavke dužan je preuzeti tendersku dokumentaciju, budući da je ista preduslov i materijal za pripremu ponude. Osim toga, s praktične strane, privredni subjekt koji ne preuzme tendersku dokumentaciju sa Portala javnih nabavki ne može da učestvuje u postupku, jer ga sistem ne zabilježi kao potencijalnog ponuđača. U kasnijim fazama postupka, koje se realizuju putem Portala javnih nabavki, taj privredni subjekt nije uključen u postupak, te se ne može ni dodati u e-aukciju, niti mu se može u konačnici dodijeliti ugovor.

Dakle, komisija je u predmetnom postupku izvršila pregled i ocjenu četiri ponude. Nakon pregleda i ocjene ponuda, a prije zakazivanja e-aukcije, komisija je utvrdila da je ponuda ponuđača „Time Code“ d.o.o. Sarajevo neprihvatljiva. Naime, ponuđač je propustio navesti sve tražene informacije o ponuđenoj robi, dakle propustio je dokazati da roba koju nudi odgovara svim zahtjevima iz tenderske dokumentacije.

Ostale ponude su ocijenjene prihvatljivim i zakazana je e-aukcija za dan 20.06.2022. godine, s početkom u 11,00h.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	PR "MEDIA MARKET" PRIJEDOR, vl. Trbulin Dejan	18.200,00	21.294,00
2.	"INGEL" D.O.O. TUZLA	18.250,00	21.352,20
3.	PR "SMART COMPUTER" PRIJEDOR, vl. Stanar Slaviša	19.570,00	22.896,90

U postupku donošenja ove odluke, posebno su cijenjene činjenice da je komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema Odluke.

Obrađivač:

Irma Šahman-Šehić *Šehić*

DOSTAVLJENO:


1. Ponuđači – putem maila
2. Služba Općinskog načelnika i Općinskog vijeća
3. Web stranica
4. a/a



NAČELNIK OPĆINE  
Mirsad Mahmutagić *Mahmutagić*

... ..

... ..



... ..